

杭縣丞

補鈔關戶部主事

名聖公孔宏泰卒兄子聞韶嗣

岑木增慶陽通判監理花馬池鹽課

甲申增四川按察司威茂道兵備副使裁免糧參議

丁亥盜劫同州庫不獲知州張壽添償治其罪

戊子遼府沅陵王思鉞薨年四十二謚莊恪

南京刑部左侍郎樊瑩兼左都御史巡視雲貴奏斥貴州官

三百餘人雲南五百人

辛卯榆林衛大雨雹壞城垣

大學士劉健等奉旨摘編通鑑備御覽推詹事府禮部尚書

吳寬禮部右侍郎署祭酒謝鐸南京太常寺卿張元禎少詹

事王華學士劉機江瀾左春坊大學士兼侍讀學士楊廷和

侍講學士劉春白鉞左庶子張天瑞左諭德兼侍講靳貴右

評德兼脩撰毛澄侍講張潔劉忠右中允蔣冕左贊善費宏


羅玘徐穆王瓚纂脩

戶左侍郎韓文為南京兵部尚書

古無都御史林俊乞停寧府改琉璃瓦不聽

治十六年

七



侍郎焦芳改吏部左侍郎

給幣三分之一

禮部右侍郎李傑為左侍郎少詹事王華為右侍郎

三寅旱災免徽州去年夏麥

癸卯侍講劉忠為侍讀學士

乙巳錦衣衛百戶魏銘乞赴大同報効下兵部斟酌報効人毋濫許殃民時武弁饗功幸事託近幸求報効至則市級掠獲竄名邀賞或身不出門功紀于冊上稔之故戒勅如此初保靖蠻彭萬里國初歸附授保靖宣慰司使領二十八寨

萬里傳勇烈勇烈傳藥哈俾尚幼萬里弟子可宜諷土人立為副宣慰殺藥哈俾據十四寨下獄死草副宣慰猶據寨如故其後勇烈弟勇傑嗣傳南木扞傳顯宗傳仕瓏與夷蠻可宜子孫日仇殺兵部議世英歸小江七寨于仕瓏止領大江七寨徙沈埠聽仕瓏約束報可

大同中路海東山墜旗自火


官州日照大雨水淹稼


貢

保鎮遠侯顧溥卒溥居年三十餘年歷鎮

右十六年

八





取在湖廣令卒負水灌牡丹有僧問所汲

其諷即謝過致不能殞吏卒哀慟賜祭塋謚襄恪

知州教毓元謫戍南丹衛毓元性嚴于嫉惡怒民部

多怡瘦死五人致訐詐遣勘中貴訊之不屈獄上死于杖下

史謂苛暴好科罰未足信

乙卯延綏副總兵署都指揮僉事吳江為征西前將軍署都

督僉事總兵官鎮守大同

辛酉祠宋臣李芾陳文龍陳瓚于福州長沙興化

七月丁卯陝西乾州地震

已巳曉刻木星犯井宿

庚午瓊州黎賊符南蛇平斬二千五百六十餘級俘千四百

餘人

壬申南京金星晝見

丙子昏刻月犯箕宿


府內鄉王周同鎮薨年四十八謚溫穆

心貞薨年四十謚端惠

五星

后十六年

九



國舊例舡不過五百艘其軍校自備舡自備

乞護送興王岐王至舡九百餘道役數萬人其

一涇王舡七百官校橫擾坐罪至是榮王將之國預戒之

中駙馬都尉齊世英卒大同人尚仁和長公主驕侈沉湎

或經歲不朝

丁亥 英廟妃余氏薨謚僖恪克妃

庚寅前太子太傅刑部尚書白昂卒武進人天順丁丑進士

授科事給中通敏和厚勇有謀斷善回事成功乏骨鯁之節

年六十九贈太保謚康敏

前南京國子祭酒羅璟卒泰和人天順八年進士授編修歷

洗馬坐忌調南京禮部員外郎轉福建提學副使拜祭酒頗

傷寬緩

停太倉洗白苧布四千餘匹

辛卯曉刺土星犯天罇星木星晝見京師雨雹

土辰金星晝見

王祐楷薨王未之國年十七謚曰懿

南昌寧縣為州

石銅印三百俱元物盡燬之

十六年

十

千太監張愉主其事

木星畫見

士石祿為南京刑科給事中

戊申商城盜平

辛亥故侍講劉球曾孫祠廕通政使知事

前太常寺卿任道遜卒瑞安人善書

壬子曉刻木星犯天罇星

甲寅巡撫應天左副都御史彭禮劾免

乙卯學士張芮歸省

丁巳夜壽星見

庚申前翰林侍讀學士江朝宗卒巴縣人景泰二年進士

夜火土木星同犯井宿

辛酉應城伯孫繼先卒

壬戌周府上洛王同錄薨年四十八謚莊忠

巡撫山西左僉都御史魏紳為右副都御史巡撫應天蘇松


重儲

查東太監梁玘有罪謫皇陵司香

聖公

十六年

十一



金為右副都御史提督鴈門等關兼巡撫

德城水溺改築新城

安陸地震桃李開花

丙子趙府南陽王祈鈇薨年六十二謚安懿

丁丑興化福州地震

右僉都御史王璟巡視浙江賑寧波 其廬鳳淮揚山東

湖廣災傷各委賑

戊寅遼東廣寧衛火

庚辰前吏部尚書尹旻卒字同仁歷城人正統戊辰進士授  
刑科給事中敢言擢通政司右叅議有才略善斷在吏部先  
後二十餘年隨才授任各得其職凡經銓註雖稠人小吏既  
久猶識其名奸偽不售方士李孜省憾甚構去之落太子太  
傅年八十二予祭塋謚恭毅

二十崇明縣大風潮溢免今年田租


進慶雲侯周壽太保傅遂安侯王源壽寧侯張鶴齡長

保建昌伯張延齡進建昌侯

星

十六年

十二



執法星

臺上

趙抃于成都同秦守李永漢守文翁宋守張詠

丑湖廣右左布政使張本為右副都御史巡撫江西

遼東古城堡火

癸卯卜寇萬全洗馬林堡

乙巳南京太常寺卿張元禎改太常寺卿兼翰林學士直講

元禎短小 上特設低几就之

丙午夜月犯外屏西星

丁未曉刻金星犯南斗魁星

戊申夜月犯天陰南星

壬子都昌縣祠元儒陳澹江西按察副使邵寶言之

錦衣衛指揮僉事劉斌卒

甲寅纂脩詩海珠璣成

卯大學士劉健等請停齋醮及朝佛經道書 上納之


月犯上將星

星犯狗星

安堡

十六年

十三



陳銳之子

長編脩徐穆為侍讀

御史顧潛上稽古治要

丙子夜月犯昴宿

丁巳昏刻月犯五諸侯星

庚辰山西山陰縣地震

辛巳昏刻金星犯羅堰星

甲戌代府山陰王仕壘薨年四十八謚端裕

乙酉旌韓府輔國將軍偕洌孝行

癸巳旱災免蘇松常鎮田租

十二月戊戌卜入寧夏大關口

辛丑傳制封彥汰岷王旭樞韓王安濯富陽王安濂會稽王

安涇浦江王安沔麗水王當滬陶館王


應州妖人李道明

浙直歲辦菓品蠟茶等料其山東河南湖廣兩畿災


成日孫繼先之子

十六年

十四







收李進為右副都御史巡撫宣府

右僉都御史陳壽為南京右副都御史壽在

才或請注子弟功曰吾子弟不任戰竟不預

沂州胡陵山礦穴

辛酉工部右侍郎李鏊視寧濟石堰

國權

益官設遷孺木著

弘治十七年甲子

正月癸亥朔南昌新淦火

乙丑宵霑益土知州安民罪安民姑即叛婦米魯前匿其家

衡山縣深三尺是歲稔禾一莖或十穗

辛未南京工部右侍郎高銓賑應天屬縣

定國公徐永寧卒妾丁氏自經殉之旌貞烈

昏刻月犯昴宿

國權

弘治十七年

丙戌上南郊

乙亥督理馬政左副都御史楊一清請增種馬增收軍

陝西

曰陝西苑馬寺轄六監二十四苑今止二監六苑臣編歷其地酌定三則開城安定為上苑馬可二萬匹廣寧萬安為中苑歲可八千匹清平黑水為平苑歲可四千匹但種馬有關請給二萬四千金市種孳息牧軍舊千二百餘今七百餘宜編流戶給草場往牧從之

趙時春曰馬于兵政為最大故古以司馬名官、重兵而優與馬則兵得以欺謾抵易而馬愈不振官重馬而罰過


深則兵困而馬日耗大要稽馬之實在將領而不在僕牧之官使馬勿耗在調發之簡便飼牧之以時而不在乎法今之具備也官不得人則法愈嚴而弊愈滋不可不以情察也

丙子威州汶川地震

庚戌夜大星自紫微垣流至近濁

辛巳藍城縣地震

發未傳陞盧龍衛指揮使胡震為署都指揮僉事分守通州部科爭之不聽



申禁誣告

甲申停福建採鷓鴣竹雞等給事中陳伯獻疏止之  
夜月犯房宿

丙戌太常寺卿崔志端加禮部尚書科道交劾不聽  
水災免順天保定河間去年田租

庚寅巡撫宣府右副都御史劉聰下獄以妖人李道明獄多  
株累降湖廣方叅政尋察去

壬辰旱災免湖廣去年田租

巡撫江西林俊以聖節行部寧王宸濠許之奪俸三月

巡撫貴州右副都御史劉洪乞賜土官漢姓命從其俗

二月癸巳朔廣東歸善盜古三仔等伏誅

卯刻南京金星晝見


甲午命錄囚詳讞不拘一日

乙未水災免開封懷慶去年夏稅

巡撫四川林元甫巡撫貴州劉洪兩易任

戊戌長刻金星晝見

壬寅南京刑部尚書陳道卒盱眙人天順甲申進士授吏部  
主事歷郎中出守金華治豪徽境內肅然累進尚書沉靜寬



裕好文不自炫贈太子少保賜祭葬

戊申立壽塔于朝陽門外大學士劉健等極言其非從之

庚戌兵部尚夏劉大夏等言江南江北災傷太甚陝西往歲

困兵江浙困役乞蠲租節養上納之其即擬上

辛亥大學士劉健等以撰真人杜永祺等誥非禮祖宗廟

號十六字文武大臣謚二字此輩封號至十八字虛詞濫譽

臣未敢奉命上從之

癸丑興安伯徐盛卒

巳刻白虹彌天

太子太傅遂安伯陳韶卒

戊午昏刻南京壽星見

庚申旱災免杭嘉湖寧紹去年田租

入遼東義州

三月壬戌朔 聖慈仁壽太皇太后周氏崩遺詔曰予昔獲事

英宗皇帝越既有年龍馭上賓攀龍莫逮 憲宗皇帝嗣統

之日遂膺尊號備隆孝養重遭變故內疚予衷賴今 皇帝


孝敬誠篤 皇太后皇后奉養周至于今壽七十有五得復

從 先皇帝左右于地下死無憾矣願 皇帝繼承丕緒須

國權

弘治十七年

四



念 祖宗創業艱難社稷至重比年水旱相仍天下軍民困苦宜勤厲節儉任賢使能爾文武群臣各懷忠秉志以匡輔德業恢弘治化共保億萬年無疆之休 皇太子國本所繫務進學成德以端大本宮中大小事悉奏 皇太后而行諸外戚務遵 皇祖明訓不得干預國政予生無德下及喪服悉遵累朝太后遺詔以日易月予言不再 合浦縣夜大星如箕流東南而裂聲如鼓 己巳 上始御西角門群臣奉慰 月犯五諸侯星

庚午鎮守寧夏總兵官署都督僉事郭鈞卒世延安衛指揮使屢經行陣亦能將也

南京白虹貫日

癸酉光祿寺卿趙竑卒大興人成化二十年進士

乙亥服闋南京兵部尚書秦民悅乞致仕不允

安邱縣流星天鼓鳴


丁丑 上御煖閣示輔臣 裕陵圖曰 孝莊太后隔 先

帝數丈非禮宜釐正劉健等稱善曰論 衎廟健等曰先年  
議定 慈懿太后 天行太皇太后 臣等何敢輕議弟漢  
以前帝后一唐始祔二后宗乃三耳 上曰此末世不足法

國權

弘治十七年

五



太皇太后恩朕何敢忘但不欲以私壞後世法且 孝穆太后朕所自出也止祀奉慈殿今仁壽宮前殿敞甚意奉 太皇太后而 孝穆後殿歲祭如太廟健等求廷議許之  
南京左府隆平侯張祐卒  
後府署都督僉事阮興卒


戊庚南京刑部左侍郎樊瑩為尚書瑩巡視雲貴罷官吏千餘人時年七十單車屏從躬訪利弊雖僻阻不避威惠大行  
庚辰右通政艾璞為光祿寺卿

壬午卜小王子請六千人入貢許二千人命大同延綏偏頭

閔嚴備竟遷延不至

癸未廷議祔廟英國公張懋吏部尚書馬文升等曰魯頌等  
姬別廟闕宮春秋考仲子之宮明惠公不得私其母未嘗祔也宗雖並祔作而不經証足法哉議上 上復召輔臣示奉先殿圖指其西曰奉慈殿也指其東曰神厨也擇地廟奉  
太皇太后遷 孝穆太后祔于左

設遷曰 孝肅別廟假在 永陵朝徒舌敝耳 孝皇手植天經恩義無盡陋唐宋為不足法又出獨見非臣下創其說噫令 孝皇可再彼張輩桂敢貪天之功耶



鹽城縣地震

甲申命太監李興保國公朱暉工部右侍郎張達治 裕陵

總督南京糧儲右副都御史張撫為南京刑部左侍郎

旱災免安慶池州去年田租

丁亥增陝西苑馬寺及行太僕寺丞

鎮守大同鎮總兵官都督莊鑑有罪謫遼東三萬衛

戊子廣西左布政使鄧庠為右都副御史總督南京糧儲

辛卯湖廣盧溪縣雨雹

四月甲午戶部主事席書言致災在朝廷不在雲南在大臣不

在小臣今光祿寺及內府諸監局冗官數千校數萬齋醮

無停日織作頻繁賞賜踰度文武傳陞雜流僭濫災異之警

偶泄雲南當國大王不知自省乃考察遠吏當之此何為者

哉章下所司


鹽城縣地連震

丁酉奉上 孝肅貞順康懿光烈輔天成聖太皇太后尊謚

庚子頒謚詔

辛丑旌太倉顧鉞妻俞氏貞節故事婦沒不旌至是鉞子中

書舍人守元奏得之



廣西思恩土知府岑濬仇田州土知府岑猛至是攻陷田州

猛僅免朝諫封瘡

夜月犯右執法星

癸卯京營都指揮使王銘為署都督僉事總兵官鎮守薊州

昏刻火星犯鬼宿積尸氣星

丁未昏刻月掩心宿東星

戊申夜月犯女宿下星

己酉 孝肅皇太后祔塋裕陵初 孝莊皇太后塋隔 英

宗教丈 上欲改遷欽天監以歲殺不利堅止之

乙卯南京後府清平伯吳琮卒

丁巳夜淮安火

庚申涼州右副總兵都指揮李祥為征西將軍署都督僉事

總兵官鎮守寧夏

閏四月辛酉朔重脩闕里孔廟成命大學士李東陽祭先期三

月十七日適大喪改之

禁軍民奏訴泛至八人以上及境外人影累


癸亥江西盜謝福陳金徐九齡等伏誅

四川天龍溪蠻攻陷松潘霸州堡叅將朱廷復之斬五級

國權

弘治十七年

八





濬薊州新港便湖

丁卯顧仕隆嗣鎮遠侯

顧溥之子

兵部尚書劉大夏奉旨條救荒弭盜事宜 上納之

戊辰逮治普安州敗軍之罪指揮劉英仁禮論死初土官隆

暢父子不協巡撫議改土為流巡按張淳從都指揮劉英議

擅立其妾適烏逐米魯而不聽其訟致米魯忿殺阿紀云

庚午免兗州去年災租

工部左侍郎李鑑會山東巡撫徐源議寧陽堽城最高受洗

水以濟宜可復濬然洗奉汶水支流先是填戴村遏汶水盡


入南旺分濬北運如洗水復濬深分抵天井閘水共高三丈  
有奇勢必奔汶水盡出濟寧遞北漕河仍復梗臣按視諸河  
從舊堽城口至柳泉于運道不藉可無事濬從柳泉至濟寧  
運始通利又其流會曹泗等水必疏之始通然後可以全注  
從之

吳道南曰漕之始曷嘗不資洗自分水自旺洗河無復汶

流矣兼以支汶受全洗之任勢必不勝宋尚書之石畫善

元人之遺慮也

辛未巡撫甘肅右副都御史劉璋卒衛輝人成化二年進士



癸酉木星犯土星

戊寅忻城伯趙溥卒

己卯巡撫河南右副都御史孫需調陝西

庚辰災變令各官指積弊

夜月犯壘壁陣西星

壬午進總制陝西秦紘太子少保

己丑釋輕囚

御製闕里孔廟碑

五月庚寅朔光祿寺卿艾璞請量減果每祭祀舊散裝天順間

始黏砌成化初草令用二尺盤黏砌高二尺荔枝龍眼至百

十斤外棗柿二百六十斤外所費不貲又量減牲口牛乳免

齋醮 上納之命奉先奉慈奉天殿果品仍尺四盤餘盤八

寸俱散裝

夜大星自太微垣流至近濁

辛卯荆王祐櫛薨年三十一謚曰和

陝西左布政使畢亨為右副都御史巡撫甘肅


吏科給事中許天錫以災異請考察中外官罷文武大臣官

銜吏部覆京官仍十年考察 上納之各官官銜如故

國權

弘治十七年

十



壬辰國子生魏浚請祠宋儒劉子輩于建寧從之

罷浙直織造內臣令鎮撫官督理

癸巳 英廟成妃張氏薨

正陽門西廡火燔武坊功

甲午戶部尚書侶鍾致仕

戶部請減各倉庫門房添設內臣命核之部覆原額不過三

十餘員近添三百三十一下司禮監查奪

丙申巡撫陝西右副都御史周季麟改順天

丁酉畿內山東旱遣禮部左侍郎李傑禱天壽山各巡撫禱

### 岳鎮東海

前府左都督劉寧卒世永寧衛指揮使勇略過人歷鎮大同

甘肅稱名將在甘肅遠襲哈密事成其功立陣法五十人為

隊：五重為陣幟五色又巨幟五幟出則同幟應之循環為

端即古番上法每戰皆勝再鎮大同衰疾不振亦陳銳失于

用寧也贈祭葬贈廣昌伯

戊戌陳鏞嗣遂安伯 陳韶之孫


己亥晚刻金星犯六諸王星

壬寅召總制陝西軍務戶部尚書秦紘回部

國權

弘治十七年

土



定劣等食廩追糧除名濫貢并坐提學官

徐光祚嗣定國公 徐永寧孫

定死罪廢疾年七十上下遣戍遣戍下收贖

乙巳巳刻南京星流

戊申平涼知府安惟學擢下謀功加四川右叅政


己酉無錫人沈廷用言縣唐御史中丞張巡廟宜賜額歲祭從之

庚戌裁添設有司官

壬子南陽縣暴風雨河溢壞民居淹死九十餘人詔賑之


甲寅進廣西河池縣為州

大學士李東陽還自闕里上言臣奉使遠涉川陸見聞不敢緘秘臣自閏四月以經裡河天津時亢旱風霾屢作夏麥枯死秋田未種運舟不至客舟希少曳纜之夫身無完衣荷鋤之人面有菜色極目四望可為寒心臨清安平間盜賊縱橫聞青州尤甚南來人言淮揚或掘食死人或賤賣生口民心惶惶莫知所措江南浙東荒歉方數千里戶口消耗軍伍空虛官軍無旬月之儲俸糧有累年之逋夫東南財賦所出歲荒至此北地皆窳素所積聚今秋再歉何以堪之臣非經歷



此地則雖久遠官曹日理章疏猶不得其詳况陛下九重之上耶臣訪之道路詢之官吏皆言冗食太衆國用無經差役頗仍科斂重派木植顏料物無虛月內府錢糧交納使用靡所紀極京城脩造前後相仍工役軍士累力倍錢每值班操寧死不赴勢家巨室田連州縣徵科過度請乞無厭而親王之國供費至二三十萬脩齋挂袍開山作礦無益害有益者間復有之加以貪官酷吏肆虐為奸民力困窮怨咨交作他如游手之徒縱使群小掎擊閩河官吏遂捉鬻販居民托名皇親附搭蓋舡聲言造店閩津羅網商稅織造內臣縱使

群小掎擊閩河官吏遂捉鬻販居民騷擾動地又臣目覩在途如此在彼可知夫閭閻之情郡縣不得知也郡縣之情廟堂不得知也廟堂之情九重不得知也是皆始于容隱成于蒙蔽容隱之端甚小蒙蔽之禍甚深臣請以所見喻之節用如閩河然節一分則上有一分之益廣儲如蓄源然積一分則下有一分之利今生民日疲國計日匱若事之蠲之則不可盡蠲時之給之則不可勝給在聖心轉移間而已陛下以災異戒飭群臣詔書屢降章疏畢陳而事閩內府勛戚動為掣肘累歲經時俱見道罷誠恐今者所言又成故紙伏望



採擇斷在必行 上納之曰自劾求退不許  
丁巳申嚴勛戚舍人擾民之禁  
安南國王黎暉卒子敬嗣僭號泰禎未几死立其弟誼僭號  
端慶


六月庚申朔襄王祐材薨年三十一謚曰懷

壬戌禮部尚書元守直服除劾免

兵部尚書劉大夏陳兵政弊端京衛苦于出錢江南軍苦于  
轉餉班軍苦于往返 上納之 上嘗諭大夏曰每事欲召  
議以非卿所部而止後當以揭帖聞曰揭帖易私事弟外任

付府部中咨閣臣也

王世貞曰弘治最多名臣內閣則劉健李東陽謝遷六曹  
則耿裕倪岳王鏊方鎮則秦紘王越要未有如王恕余子  
後周經張悅戴珊閔珪韓文侍從則楊守陳吳寬王鏊方  
鎮則秦紘王越要未有如王恕馬文升劉大夏之灼灼者  
也恕直諫重天下然不難于 孝宗而難于 憲宗 孝  
宗仁君也然而願以齟齬終豈非所謂事君數斯辱也耶  
文升教更中外歷權寄不屈不脛蓋以才力勝者大夏仁  
心為質道揆法守晚際魚水密勿都俞庶几有三代風哉



造滕之語小有傳者覺主聖而臣微不及人謂恕以魏玄  
成韓稚圭文升合姚宋而小遜之大夏似李沆司馬光又  
曰強差近名大夏弱差近實文升練差用術其然豈其然  
哉

癸亥卯刻金星見雨雪

甲子裁淮安漕運問刑主事

乙亥定京官六年考察

癸酉清浦縣五色雲見

丙子裁順天筦河通判

丁丑裁冗官禁貪酷


錄廣東平黎功進伏巷伯毛銳太子太傅提督軍務潘蕃左  
都御史

卜數入薊州潘家口

四川青神縣地震有聲

辛巳北卜小王子連營宣大塞外兵部請擇廷臣分督上  
是之

報下警召輔臣煖閣議備禦方略劉健請簡京營總兵上  
曰然健以經戰請上曰貴謀勇耳李東陽曰京營空虛往



年選萬人聽征及再選萬人即不及額 上曰將須恤軍不可剝削

壬午回賊流劫山東河南

癸未劉健等上禦下安邊事宜出京兵不如募邊勇給大同馬不如發罔金就市大同又運帑金召商納糧芻拔異材獎游擊將軍張俊錄都督神英領京兵萬人俟援 上納之大同游擊將軍衛勇副總兵黃鎮都指揮尉景李敬等值火節于焦山授指揮鄭瑀等下增五千騎圍我追暮益萬騎殺傷相當瑀力戰死之下亦退

甲申江西廬山鳴山如鳴雷明日大風雨水溢丈餘淹星子德安居人甚衆

卜入延綏黃甫川堡


乙酉吏部請行考察從之

丙戌卜入宣府副總兵白玉擊斬八級

太原地震

丁亥崇明顧益文家鷄雛猴首人形

戊子前太子少保戶部尚書殷謙卒涿州人正統四年進士授主事性淳朴自守汝寧太原歷撫山西宣府俱著績年八





十八贈太子太保

七月壬辰召輔臣煖閣議出師李東陽曰北下通朵顏衛夷潮  
河川古北口去京師一日下聲東擊西遠役大同非計 上  
日宜蒐乘蓄備以待劉健等稱善召兵部尚書劉大夏議如  
輔臣指師不出

癸巳工部左侍郎李鏊大理寺右少卿吳一貫通政司左叅  
議叢蘭經略邊關鎡山海關密雲一貫黃花鎮白羊口保蘭  
紫荊倒馬等關召至煖閣面諭賜金幣

邊報屢聞命御馬監大監苗達監督軍務保國公朱暉為征

下大將軍總兵官右都御史史琳提督軍務司設監太監張

林冕神槍左右叅將李俊神英以京兵二萬撥甲待

開封鈞許洧川鄆陵長葛新鄭杞各地震


甲午錦義都指揮僉事韓輔為署都督僉事征下前將軍總

兵官鎮守遼東

左副都御宇閻仲宇往宣大通政使右叅議熊偉往居庸等

關各理餉

戊戌禮部尚書吳寬卒字原博長洲人貢入太學成化壬辰  
禮闈廷對皆第一授脩撰進右諭德左庶子歷吏部左侍郎



直閣專制誥行履高潔文醇有古法避榮篤義惜未究其用  
贈太子太保謚文定子奭特授中書舍人

祭郊召輔臣煖閣以劉仲宇于潮河川鑿品字害製鉄砲可  
賞賜皆曰諾又出東廠緝事揭帖云密訪如此劉健等曰須  
會勘至日再議

昌平盜王璽伏誅

甲辰夜月食

乙巳右通政王洧卒濬縣人成化二十三年進士

丙午夜月犯外屏西星

辛亥曉刻土星犯鬼宿積尸氣星

壬子卯刻木星見

丙辰曉刻水星犯靈臺上星金星犯上將星

丁巳禮部右侍郎謝鐸致仕

南京國子祭酒服除黃珣改內國子祭酒

八月辛酉吏科給事中吳舜戶科給事中王蓋考察不謹當罷

許吏部尚書馬文升左都御史戴珊奸私下舜蓋鎮撫司獄


舜削籍蓋閑住又刑部主事張敷狎鄉人妻擬罪贖辨亦飲

下獄削籍

國權

弘治十七年

六



部院上大計降斥有差

壬戌南京戶部右侍郎鄭紀致仕進尚書

戊辰夜南京壽星見

辛未巡撫雲南右副都御史陳金為南京戶部右侍郎

止保定河間土達吏卒千餘人赴京操練

欽天監天文生張墾有罪宜戍邊命注近衛仍赴監

甲戌巡撫貴州右副都御史林元甫調雲南巡撫順天右副

都御史洪鍾調貴州

丁丑左春坊左庶子張天瑞卒清平人成化十七年進士授

編脩詩文迅筆立就他人貯思不之及

戊寅夜月犯五車星

庚辰遣科道閱騰驤等四衛

裁陝西靈州


丁亥朝罷召吏部尚書馬文升左侍郎焦芳左右都御史戴  
珊史琳于煖閣諭明年大計預加訪實以文升重聽又諄諭  
之命左右掖而出自是每召對從容詳悉俱感奮雖下僚莫  
不仰注稱盛事云

九月戊子朔巡撫延綏都御史文貴請塞上墩臺易傾俱孰築

國權

弘治十七年

九



四窓可發矢從之

甲午曉刻土星犯鬼宿

丙申景州知州馬馭故城知縣楊凱多斃人論死

戊戌旱災免順天保定河間永平夏稅

山西論囚未覆遽決巡按御史羅儀降滄州判官按察使陳

震降兩淮都轉鹽運司同知儀更降山東布政使照磨

辛丑南京木星晝見夜月犯外屏星

癸卯撒馬兒罕入貢

甲辰夜月犯昴宿

辛亥夜月犯靈臺中星

甲寅寅天下警太常寺少卿孫交經略

乙卯旱災免真定大名順德夏稅

丁巳召閣臣于煖閣諭曰巡按御史覈邊功累歲不報何以

示勸其酌地定以期皆稱善少頃曰昨日講官以陳善閑邢

作陳說不如作敷陳劉健等曰昨太監李榮云善道啟沃他

非是誠如聖諭 上曰他亦無妨第不若啟沃之尤當講書


須明透無諱昨講官似顧忌耳

十月甲子裁南京國子監掌饌

國權

弘治十七年

二十



選殫忠效義二營兵入團營操練

庚午庶吉士魯鐸溫仁和李時膝霄趙永畢濟川何塘為編脩周禎為檢討吉時薛金李貫王廷相王萱為給事中朱袞為江西道御史

真定知府熊達以河隄功加山西布政司右叅政  
壬申總督漕運右副都御史張縉言淮揚運河雨水時則利舟今秋旱深冬恐不雪明年水涸梗漕乞先時濬治閉清江口葺仁信等壩蓄水以待事下所司  
已卯南京部院上計從之

旱災免山東夏稅

庚辰錄囚部刑三覆奏失矜疑二人 上怒免二人死成之  
至是朝畢召刑部尚書閔珪等煖閣諭其故珪等退引咎奪月俸

武科許泰等三十五人入朝罷宴光祿寺大學士劉健主席  
三年一舉

癸未總督陝西軍務戶部尚書秦紘致仕


十一月戊子裁雲南管礦僉事

辛卯卜萬餘騎連入莊浪始掠西海

國權

弘治十七年

三



壬辰嚴各邊代攬販馬之禁

乙未先是大理寺右少卿吳一貫錦衣衛指揮使楊玉勘廣寧衛指揮使楊茂掩事獄詞互異上親鞫于午門一貫

語塞不能對釋張斌等降一貫嵩明州同知山東左叅政竇舉降曲靖軍民府同知兵備副使錢承德降新興知州僉事王忠降石屏州同知御史余濂降雲南布政使照磨王獻臣廣東都許馬驛丞

丙申夜大星自大陵流至壁宿二小星隨之

己亥廣東左布政使陸珩為應天府尹

昏刻月犯昴宿

庚子命今後順天府堂官免外計聽內計

饒平縣盜蘇孟凱等以通租嘯聚


壬寅犯五諸侯西星

癸卯南京兵部尚書韓文改戶部尚書

乙巳巡撫保定右副都御史王沂卒武進人成化十一年進士謹恪多官蹟

丁未琉球補貢初風失之

兵部會內外提督選京營把總等官



壬子南京戶部尚書王軾改南京兵部尚書

癸丑霍州天鳴地震

乙卯南京工科給事中趙欽居鄉橫奪不法群訴事聞坐發塚論死

十二月丁巳朔登州天鼓鳴

己未兵部左侍郎熊翀為南京戶部尚書

應天府尹吳雄卒仁和人成化十四年進士

庚酉流盜劫湖廣武岡州

甲子兵部右侍郎熊繡為左侍郎右副都御史閻仲宇為右

郡縣馬不五百裁斃馬判官縣丞

丙寅右僉都御史王璟巡撫保定兼提督紫荆等關

乙丑旱災免鳳陽淮安揚州廬徐滁田租

庚午巡撫大同右副都御史劉完回院

壬申下犯甘涼寧夏花馬池

旌陽曲王府輔國將軍竒渾孝行

下寇平涼之孔疇溝巡撫周季麟遣都指揮楊宏率西安平


涼軍楊虎力率固原軍禦之虎力以八百人夜遁宏及餘眾

死之諺曰兩頭白面楊虎力

國權

弘治十七年

三



已亥傳制封祐榮淮王均鐵壽昌王詮誠遼山王詮鏐清源  
王聰滋棗強王旭橫長泰王旭禪永福王旭楸建寧王  
丙子哈密忠順王陝巴以國人謀奉土魯番惧甚走嘉峪關  
命百戶董傑同哈密頭目都督奄克孛刺馬亦虎山至哈密  
有孛阿刺等六人欲夜劫我傑等斬之國人遂不敢有他志  
勅陝巴還國

已卯卜圖靈州都指揮焦洪禦卻之


楊一清兼巡撫陝西

庚辰錄平米魯功進南兵戶部尚書王軾太子太保

辛巳禮科都給事中李祿等以京省試錄文義乖違并罪禮  
部命摘愆之

命御史陳珀核騰驤等四衛冒占

甲申江西右布政使周南為右副都御史巡撫大同  
水旱免湖廣田租有差





國權

弘治十八年乙丑

正月己丑下三萬騎圍靈州別騎自花馬池掠常州環縣命宣

大延綏兵並援戶部右侍郎顧佐治餉

庚寅戌刻遼東都司星隕大如斗

癸巳登州星隕天鼓鳴

甲午魯府鉅野王陽葵薨年七十一謚懿安


乙未 上南郊

國權

弘治十八年

一

國家圖書館, NATIONAL CENTRAL LIBRARY, TAIWAN, R.O.C.



乙亥福建所清屯田免子粒一年

庚子彙顏衛都督阿克乞蠻入貢言北卜小王子許我女不從屢被掠上勅獎之

辛丑夜月食

甲辰部院大許天下官上素重兵部尚書劉大夏左都御史戴珊召賜金手授之曰觀時諸大臣杜門如二卿開閣可也今小佐而廉毋廷謝

卜陷寧夏清水營燬糧芻

戊申山西平卜衛及井坪守禦千戶所各地震有聲

己酉復設廣東捕盜僉事駐清遠縣以松江府同知吳廷舉陞任之

左都御史戴珊再乞休不允珊嘗託劉大夏為請上曰主人能留客且強留珊獨不為朕留耶且天下尚未平何舍朕泣然者久之珊泣謝


庚戌設高郵等隄減水閘

壬子曉刻月犯秦星

二月乙未朝邑地震如雷

壬戌金星晝見南京壽星見

國權 弘治十七年



癸亥太常寺卿張元禎兼翰林學士左春坊大學士楊廷和  
兼侍讀學士主禮闈

卜五百餘騎寇延綏高家堡指揮藍海等方拒戰搃兵張安  
夾擊走之

甲子遣科道核御馬監軍旗勇士初太監竇瑾奏止科道改  
司禮太監部科執論故有是命

乙丑南京金星晝見

丙寅左春坊左贊善費宏為左春坊左諭德兼侍講  
崇明盜施天素降宥死永成貴州都勻衛

丁卯減御馬監芻豆

戊辰朝畢召戶兵工三部臣于奉天門諭曰生齒雖煩戶口  
日損此官司不能撫恤其弊非一其悉圖之毋飾又詔曰朕  
方圖新政理樂聞讜言除 祖宗成憲紛更其餘軍民利病  
直言勿諱

上以 孝肅皇太后之憂久撤講至是禮部覆御史藍章之  
請暫淺色服從之復御經筵


己巳祀故都御史羅通于居庸關

鎮守湖廣總兵官後府都督僉事歐磐疾去

國權

弘治十七年

三



兵部左侍郎熊繡同科道劾騰驤四衛

夜白虹彌天

置易州倉郎州裁居庸三戶部官東路餉屬薊州郎中

戶部主事李孟陽上時政有元氣之病大臣腹心之病內臣

有三害兵害民害莊場畿民之害有六漸匱之漸盜之漸壞名器之漸弛法令之漸方術眩惑之漸外戚恣橫之漸曰

陛下至親莫如壽寧侯今招納亡賴罔利賊民顧不嚴禮以為之防臣恐其潰且有日矣 上怒下錦衣獄指揮牟斌詰曰胡不指壽寧侯羽翼孟陽曰慮置對耳斌曰指則可據事

實剪其翼奚對焉獄上竟還孟陽職 上一日問兵部尚書


劉大夏外議云何曰頃釋李孟陽中外仰聖德厚甚 上曰

初獄具朕問左右云何曰宜杖朕知此輩欲死孟陽快中宮朕不為也尋游南宮張鶴齡兄弟夜直 上獨召鶴齡膝語左右遙見鶴齡免冠首觸地蓋責數之也鶴齡稍戢

設遷曰 泰陵時壽寧貴震天下中外多藉之媒進無敢

少忤孟陽孱然一孤生抗數其橫誠批逆鱗矣幸天子明怒得全七尺否則一金吾刀同逢比游地下也

壬申定西侯蔣驥為征蠻將軍總兵官鎮守湖廣



癸酉圍靈州久不克去而內掠指揮仇鉞伏兵歸路總兵

李祥援之斬三十二級

甲戌卜再入遼東清河等堡

丁丑夜月犯南斗魁星

壬午卜掠寧夏

甲申禁密雲銀冶

乙酉廣東流盜劫漳浦縣

三月丙戌朔 孝肅皇太后忌辰不朝

卜寇寧夏興武營游擊將軍姜漢擊斬十二級

壬辰戶科給事中劉淮論吏部文選郎中張綵顛倒選法尚

書馬文升等疏辨綵即移疾去

泰寧衛酋滿蠻款塞求貢市命上舊勅諒之

乙未西安故山東左叅政李崙故刑部員外郎孔琦俱清謹

身沒不贍延綏副總兵曹雄請卹命歲給其家

已亥嚴沿邊伐木之禁

庚子廷策貢士董玘等三百三人賜顧鼎臣等進士及第出


身有差

辛丑曉宿月犯房宿

國權

弘治十八年

五



庚申四川松潘各寨番族聞總兵顏玉進討求撫許之

辛酉定兩京禮部會選監生汰衰疾疎劣之力其衰疾量予

冠帶疎劣除名

癸亥西卜渡河北去

辛未召輔臣煖閣諭曰戶部覆處置流民推侍郎何鑑何不  
會吏部劉健等曰係本部事前亦徑推上曰此前人失之  
吏部專司推舉且使它日不稱亦無後言健曰然並令會議  
上曰處置流民是戶部事不必議惟推舉會吏部耳上在  
位久習于事疊、數百言動中節會不能忘記自是日而召

對訖矣龍馭不待惜哉

正一嗣教真人張彥頤以龍虎山上清火火乞重脩建許之

部科言其不可乃止


癸酉延平盜起

丙子曉刻月掩壘壁障西星

戊寅起何鑑刑部左侍郎兼左僉都御史撫治荆襄鄖陽德  
安等流民

久旱遣官祭告郊社

鎮江益瀆等河盜劫漕米千二百餘石



總督兩廣都御史潘蕃伏羗伯毛銳以南海連山思明等寇被劾

甲申 上不豫免朝

纂脩玉牒成侍講學士楊時暢言玉牒進文華殿禮似未安宜改奉天殿示重從之

釋輕囚

五月乙酉朔不朝

丙戌南京刑部主事胡世寧上六事勤學問廣延納公用人汰冗費重守令慎輔導章下所司重守令謂倣唐制不歷郡

守不得任侍郎歷卿不任縣令不得陞臺郎給舍

福餘衛酋那孩等悔罪求互市許之

己丑卜寇獨石


禁偽錢戶部奏鑄弘治錢年來才十之二 上少之命核工科以聞又勅整理鹽法初 上與輔臣論錢鈔鹽法李東陽曰鹽法尤重因及奏討之弊 上曰奏請才几家耳曰奏請一而私費十之所以弊也劉健等曰宗藩亦不宜輒徇 上曰近亦裁矣

庚寅 上大漸旦召大學士劉健謝遷李東陽至乾清宮東

國權

弘治十八年


七



煖閣 上坐榻諭之曰朕自嗣統于今十八年矣今殆不起  
健等慰謝 上曰朕自知之天命不可強也自序即位始末  
甚詳太監挾安李璋奉筆硯 上命太監戴義書曰東宮年  
十五歲未婚可令歲舉行又因漱齒不復飲藥手健曰東宮  
年幼好逸樂先生輩善輔之令成令主健等皆飲泣戴義送  
出東角門

辛卯 上召諭 皇太子曰後事悉如 先帝遺典祭用祭  
羞社稷事重孝奉 兩宮進學修德用賢使能毋荒怠也午  
刻大風霾雲端若有人騎龍上升人多見之俄 上崩年三

十六遺詔曰朕以眇躬仰承丕緒嗣登大寶十有八年敬天  
勤民敦孝致理夙夜兢、惟上負 先帝付託是懼今邁疾  
彌留殆弗可起生死常理雖聖智不能違顧繼統得人亦復  
何憾 皇太子<sup>厚</sup> 聰明仁孝至性天成宜即皇帝位其務  
守 祖宗成法奉孝 兩宮進學脩德任賢使能節用愛人  
毋驕毋怠中外文武群臣其悉同心輔佐以共保宗廟社稷  
萬、年之業詔下深山窮谷聞之無不哀痛吏民入臨几至  
有失聲者初 上禱雨露立觸寒太醫悞藥之鼻血致大故  
天下恨之






史臣曰 上簡言慎動慤誠充粹闇然而日章燕處必衣  
冠雖置筆硯有常處曰凡事皆合如此又曰吾不自治誰  
能治吾日五鼓率起祝天每值水旱災異即齋心露禱減  
稅緩獄郊祀奏樂有悞召樂官詰問悖叙彙典動據 太  
祖置 文皇永樂大典于宮中時 省闕小民章奏披覽  
必盡有以人命訟寃者未嘗不為覆訊寧失不經臣下逆  
耳苦口之言紛然雜進而含容茹納未嘗輕有罰謫雖小  
官末吏考察黜退如不得已尤軫恤武臣邊帥在位既久  
見內外諸司弊端日積欲痛加釐革以復 祖宗之故而

旁訪博訪務窮根節含洪隱忍不欲太驟愛惜財用牲口  
日給粟豆皆有籍記尤重名義論及後世青史恒為之悚  
然中外民臣方延頸跂踵翕然望治忽罹大變哭臨之日  
臣民號慟頓不能興梓官所過哭聲震野其得人心之深  
如此


鄭曉曰惟 帝仁恕恭儉敬慎英明清心寡欲愛民節用  
方術官寺莫敢干撓閔災思患戢盜防胡抑且崇德報功  
興滅繼絕憂勤惕厲始終不渝迹其修齊治平之效盖有  
得于二南六典九經之道矣若乃崇祀奉慈而秩分甚嚴



友愛興獻而恩禮愈篤悼念昭德而保護甚至廟號 孝  
宗不亦宜乎當即位之初大學士徐溥劉健等入內閣王  
恕入吏部自是衆賢群起日進李東陽謝遷邱濬耿裕倪  
岳馬文升劉大夏周經戴珊張敷華黃紱何喬新彭韶楊  
守陳周洪謨許進楊繼宗屠濬秦紘鄧廷瓚謝鐸章懋張  
悅林瀚吳寬張元禎王鏊楊廷和劉忠韓文林俊楊一清  
樊瑩熊繡等諸君子贊襄皇猷旬宣方牧各盡乃職當是  
時在朝多耆俊之臣在野無廢錮之士士脩端靜之節人  
懷躁競之耻吏鮮苛黷之風民懷樂利之澤洋洋乎蔚

乎有豐芑朴棫之化焉說者又曰 泰陵晝接再三虛懷  
霽色勵精訪治將大有為而諸君子志在包荒意在裕蠱  
多思少斷坐失良期然十九年之間財以足民為富兵以  
薄伐為威刑以緩死為恩禮以隨時為大可謂與民休息  
培植元氣者矣內外安寧几至刑措商周甲戌成康之盛  
何以加此焉升遐之日萬方哀慟如喪考妣豈偶然哉豈  
偶然哉

李維禎曰 諸帝山陵作原廟 后生並配食皇貴妃而  
下左右侍一帝一后獨 泰陵耳體貌大臣開廣言路節




用愛人休息乎無為近者歌謳而樂之遠者竭蹶而趨之  
德澤上昭天下漏泉至于今父老稱弘治之盛雖漢文宋  
仁何以加焉

鄧元錫曰聞諸父老言 敬皇帝之世太平有象也君臣  
恭和海內雍宴兆氓益殷熾阜裕學士爭游情于三代兩  
漢之文洋洋魏斯為盛語曰日中必曠即欲為國家建  
治平無疆之統斯千載一時矣


朱國禎曰三代以下稱賢主者漢文帝宋仁宗與我明之  
孝宗皇帝匪獨天資粹美亦由學問優長漢文得之黃老


宋仁宗亦如之我 孝宗儒而兼綜故其學獨正其治為  
獨隆學元士張元禎疏勸經筵講太極圖西銘諸書 上  
索而觀之曰天生斯人開朕也其淵源如此故發揮事業  
巍然煥然宵旰之勤盡十八年如一日而宣室之謨畫天  
章之筆札諸臣惟鎮靜之是務補苴呵護神理舒謚欲脫  
略允近強往廼圖尚未之逮也而纓綫耻于速化閭閻媿  
于佻達考其歸宿兢兢于先民非德澤深厚能如此哉詔  
不反汗兵不屢駕最軫念民力于時水旱夷盜多見告吏  
民喁喁忘流徙屠掠之潛俱交口慕說噫 孝宗何以得




國家圖書館, NATIONAL CENTRAL LIBRARY, TAIWAN, R.O.C.


此于天下哉億萬載無疆之休一傳而斬古者天子一娶  
十二女帝姬嬪不廣絲今而觀先王之慮遠矣






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches


© The Tiffen Company, 2007

Inches 1 2 3 4 5 6 7 8  
Centimetres 1 2 3 4 5 6 7 8

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]



國家圖書館, NATIONAL CENTRAL LIBRARY, TAIWAN, R.O.C.



TIFFEN Color Control Patches

© The Tiffen Company, 2007


Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]








國家圖書館, NATIONAL CENTRAL LIBRARY, TAIWAN, R.O.C.















國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.












國家圖書館, NATIONAL CENTRAL LIBRARY, TAIWAN, R.O.C.



3393411 v. 28

國家圖書館, NATIONAL CENTRAL LIBRARY, TAIWAN, R.O.C.





武宗承天達道英肅睿哲昭德顯功宏文思孝毅皇帝

孝宗敬皇帝嫡長子也母皇后張氏弘治辛亥九月

年三月立為皇太子戊午既冠出閣就學受書甚習能識宮

僚名氏或偶不入直必問其故當輟朝日學士某悞束花帶

語左右曰是在朝且被糾矣其聰穎類此 孝宗數幸春坊

閱所業迎送如禮甚愛之游幸必從 間好騎射


孝宗顧命輔臣極稱 上質美善輔之辛卯 大行賓天壬

辰頒遺詔


癸巳罷營軍工役

國權 弘治十八年

十三



國家圖書館, NATIONAL CENTRAL LIBRARY, TAIWAN, R.O.C.



南京兵部右侍郎金澤為南京右都御史秩滿雖吏部前具  
題而諒陰遽命下物論囂然


甲午寧夏衛及廣武營地震酉刻木星晝見

乙未禮部左侍郎李傑欽天監副倪謙擇山陵

丙申夜月犯房宿金木合于星宿

己亥下太監張瑜太醫院使施欽院判劉文泰御醫高廷和  
等于錦衣獄 先帝禱雨觸寒瑜等不診視遽藥之鼻血致  
大故英國公張懋及給事中王宸薛金御史陳世良等劾其  
罪廷鞫

壬寅 上即皇帝位詔曰維我 皇誕受天命為天下民物  
主 祖宗列聖鴻規大訓傳在子孫 皇考嗣統十有八年  
深仁厚德覃被海內治化之盛在古罕聞間復憫念民窮勵  
精新政訪求利弊方將大有興革綸音未布遽至彌留叩地  
籲天無所逮及天下之勤矧予一人比者親承遺命謂主器  
不可久虛而宗親文武群臣軍民耆老累箋勸進拒之至再  
情益懇切永惟宗社重寄不敢固辭謹以是月十八日祇告  
天地宗廟社稷即皇帝位顧國家創造之艱眇躬負荷之重  
惟正道是遵惟古訓成憲是守率 皇考未終之志擴而行



之康我兆民登于至治其以明年為正德元年大赦天下與  
民更始所有合行事宜條列于後云、嗚呼天位至重民事  
至艱尚賴中外臣僚協心匡輔以俾朕之不逮用克紹先業  
共保億萬年無疆之休誕告萬方咸使知悉 正德曾見西  
夏主乾順吏部試選人論有宰相須用讀書人以刺時宰  
建寧大水壞城舍


乙巳減墜儀冥器

丁未令太監扶安李興覃觀禮部右侍郎王華

少卿吳

旻詳定山後

戊申、大舉寇宣府屯牛心山黑柳林列營二十里巡撫李  
進搃兵張俊令分兵軍新河柴溝凡萬五千人已、毀垣入  
左叅將李稽迎戰副總兵白玉黃鎮萬全右衛游擊張雄大  
同游擊將軍穆榮各拒于虞臺嶺、縱數千騎嘗我軍玉置  
營高阜、笑曰彼自處乾地可立敗也乃合營圍我絕汲道  
止留隘地一隅張俊不知其計以三千人至萬全右衛城左  
墜馬傷足援兵都指揮曹泰至應州鹿角山玉等被圍絕飲  
食掘井十餘丈不得馬眾飲馬溲而阻其矢會大雨雹以救  
解入後營稽玉亦潰圍而出獨雄榮阻山間遇害喪卒二千




百六十五人失馬六千五百餘匹他物稱是俊等退下躡其  
後僅得入萬全右衛城告急命都指揮陳雄張澄俱為右叅  
將各率京營二千人往又告急復命都督李俊神英克將軍  
各二千人往人賜二金布二時下至宣府城下出懷中餅及  
麻布冠示人曰此何物也蓋謀入京得之閹禁不嚴如此  
嚴從簡曰按此漢下勝衰之候我國家養兵百年極盛而  
燔一大變也合宣大之良殲于一旦至今六十餘年而創  
痍之疾呻吟之聲往往在人耳目邊軍緣此逡巡畏敵無  
復迎戰矣

己酉右通政王玉降太醫使張瑜劉文泰等論死生結交內  
使律不用合和御藥大不敬正條卒脫死

庚戌太監苗達監軍保國公朱暉為征下將軍總兵官右都  
御史史琳提督軍務太監張林理神槍砲銃都督同知李俊  
都督僉事神英為左叅將都指揮陳雄都指揮僉事張澄為  
右叅將禦下宣府戶部右侍郎王儼兼右僉都御史治餉  
辛亥太白經天

壬子禮部尚書張昇請嚴宮殿門之禁斥逐真人陳應禱等  
西番灌頂大國師那卜堅叅及班丹羅竹等奪印誥追賞賜



從之

益苗達京兵六兵人命武定侯郭良懷寧侯孫應爵練營兵  
待援仍博舉勇略

六月甲寅朔募宣府土兵禦下

乙卯 上御西角門視事百官奉慰

都督李杲都指揮劉祥為游擊將軍各率兵五千往宣府

兵部尚書劉大夏英國公張懋及給事中 御史覈團營

丙辰侍講張潔為侍讀學士檢討石珪為脩撰

兩廣左都御史潘蕃太監常經總兵毛銳合兵十萬八千餘

人分六哨抵其巢濬死斬首下 四千七百九十級後廣西右

布政使馮鎬言土兵道路甚于岑濬乞後不得輕調下兵部

泰寧等衛達 滿蠻等為下 所侵避內地命撫卹之

經略山海關工部右侍郎李鑑還朝

丁巳裁華亭丹徒丹陽金壇治農縣丞


設豫旺城平下守禦千戶所城去常州羸山止百里套下出  
入必由之

立潮河川新營于古北口外關

初定軍解補開豁例

國權 弘治十八年

十六





戊午大賚文武及軍民人等

定泰寧勅太監李興新寧伯禪祐工部左侍郎李鏊督工已  
吏部考功主事慈谿楊子器言大行山陵有水石興不悅糾  
其妄命司禮太監

皇太后聞而釋之

發延綏兵援宣府

卜入蔚州廣昌趣保定兵赴荆紫等關

裁瓜洲水駟去京口駟近故

已未故貴州都指揮僉事史翰郭仁李宗武都指揮使李雄  
俱贈都督同知


庚申上 大行尊謚達天明道純誠中正聖文神武至仁大  
德敬皇帝廟號 孝宗輔臣諫孝為百行之首敬為萬善之  
源庶盡之

辛酉團操畿內軍餘民兵永平保定真定河間大名各千人  
廣平順德各五百人

癸亥頒謚詔賚親王南京官

寧夏固原環縣地震寧夏尤甚如雷

甲子御史李良請擇近侍召對大臣翰林官儼直備顧問



上是之

工部右侍郎張達卒泰和人天順八年進士授主事歷南京光祿卿純朴不事表飾居官鮮玷或論其粗率笑而不問其渾厚類此


工科都給事中王鎮等乞裁錦衣衛畫士蕭增等革工匠濫陛下所司

丙寅大理寺左少卿張泰錦州衛都指揮達順巡撫都御史周季麟會計薊州草場丁卯夜月犯天狗星

戊辰巡撫湖廣左副都御史韓重為南京兵部右侍郎故太子少保南京兵部尚書張悅贈太子太保

庚午占城國王子沙古卜洛遣沙不登古魯入貢求封父古來沒不明言且請復安南侵地兵科給事中任良弼等言不宜輕聽禮部請檄廣東布政使咨報從之

辛未前太子太保禮部尚書徐瓊卒金谿人天順丁丑進士授編修成化丁亥進侍講至前官和易敦朴文暢瞻時有警語然才短無甚建白嘗置妾與椒房有連孝廟特擢尚書論者謂其攀附竟引去



壬申威州地震

癸酉徽王見沛薨年四十三謚曰莊

甲戌提督軍務撫治鄖陽右副都御史王鑑之改巡撫湖廣  
提督河道右通政韓昇為通政使理易州山廠

乙亥兵部請罷鈞州鎮守太監齊玄及沿邊監槍分守守備  
內臣遂撤齊玄餘議裁


丙子河州大雷雨石崖山崩約移七八里裂為溝

戊寅刑部右侍郎李士實疾去

安奎呂翀任惠邊貢王瑚陳寔徐暹為給事中惠暹南京

復沙河縣于舊治縣當孔道避役遷僻地十數年前涸非便  
至是復之

庚辰召南京太僕寺卿陳璧浙江左叅政韓福科道官劾禮  
部右侍郎王華太常寺卿張元禎通政使右叅議熊偉囑託  
取財禮部尚書賈斌人品卑下禮部尚書崔志端穢行彰聞  
巡撫順天都御史周季麟交結權幸巡撫山東都御史徐源  
昏懦無能南京戶部尚書熊翀戶部左侍郎李溫太常寺卿  
呂憲老疾右都御史金澤應天府丞李堂奔競轉官丁憂太  
僕少卿陳大章貪名久著俱宜罷斥上不問



鄭曉曰張公元禎居家時人爭薦東白謂為名儒碩輔比起又交章醜詆諺曰毀譽無常玄暮黃信然

辛巳右副都御史孫需提督撫治鄖陽

壬午奉 孝肅皇太后主于奉慈殿移奉穆皇太后左之

癸未巡按浙江御史邢昭言寬恤灶戶如三丁以下人免七十畝復其身或丁多遞減十畝或無餘田止免徭報可

七月甲申朔兵部尚書劉大夏上團營定數精銳六萬五百七十四人分三哨各領以把總次選二萬五千三百四十六人汰二百八十三人其三大營原額十五萬四千二百八十七人耗九萬四千三百四十人

乙酉科場再劾王華張元禎等皆公論之不與不宜曲賜優容致損治體下所司

戊子起許進兵部左侍郎同劉大夏提督團營

庚寅巡撫蘇松右副都御史魏紳為刑部右侍郎


前南京大理寺卿章格卒字韶鳳常熟人景泰二年進士授南主事歷郎中廣東按察副使還琉球流人改雲南撫緬甸諸夷累進廷尉居官以清謹聞

辛卯夜月犯心宿

國權

弘治十八年

二十



壬寅前南京太常寺少卿牛綸卒涿州人景泰甲戌進士授  
編脩歷左贊善太常少卿綸善滑稽又太監玉從子好結權  
要士論鄙之

癸巳提督軍務右副都御史史琳言叅將陳雄敗大同之  
順聖川斬八十七級俘一人勅勞之

乙未光祿寺卿艾樸為右副都御史巡撫蘇松總理糧儲


丙申草壩上馬房飼牛初成化十八年太監梁芳進牛一日  
菽一斗芻二束計費千餘金濫費如此至是御史張津奏歸  
之犧牲所

丁酉召前戶部尚書周經

夜月犯壘壁陣西第二星

戊戌進劉健上柱國李東陽謝遷少傅兼太子太傅

太常寺卿張元禎為吏部左侍郎學士劉杓江瀾左春坊大  
學士兼侍讀學士楊廷和並少詹事張芮進俸一級侍讀學  
士楊暢為太常少卿侍讀學士劉忠張潔白悅並學士左諭  
德兼侍講靳貴費宏並太常少卿右諭德兼脩撰毛澄為左  
庶子侍讀毛紀左中允傅珪並左諭德順天府丞兼正字周  
文通為光祿寺卿尚寶司卿兼正字劉棻為太常少卿皆舊



宮僚也

南京給事中戴銑等言今日成先帝之志者實在陛下  
或柄事諸臣或忘大體將謂繼代之際大小庶政亦當更新  
先帝之所行而未久與所欲為而未成者一切罷廢似非繼  
述之孝伊尹告太甲曰嗣王新服厥命維新厥德周公告成  
王曰無念爾祖聿脩厥德陛下能法先帝則增光祖  
宗可計日而待章下所司  
餘杭大水傷稼  
夜月食

丙午崇王見澤薨年五十一謚曰簡王

丁未忠義左衛改秦陵衛

戊申召廣西總兵都指揮僉事毛倫前湖廣都指揮使康泰  
補廣西副總兵

庚戌許朝鮮市角弓歲二百雙

辛亥庶吉士潘希曾服闋授兵科給事中


壬子浙江布政司左叅韓福為大理寺右少卿提督西京  
軍餘民兵

八月甲寅尊皇太后王氏為太皇太后 皇后張氏為皇太

國權

弘治十八年

三



后進太保瑞安侯王源太保壽寧侯張鶴齡並太傅建昌侯  
張延齡崇信伯王清並太保各加祿三百石

丙戌兩宮禮詔天下

大學士劉健等言六月以來連雨傷禾 陛下登極詔條中  
外歡呼但各有司視為泛常如軍器鞍轡二局各門各馬房  
倉庫各分守守備等內臣舊設有數今添至几倍豈可不減  
內官等監匠御用等監畫士多至數十百人豈可不革內承  
運庫放支不立印簿寧無侵剋豈可不查司鑰庫貯錢若洪  
武等錢不行則新鑄亦為數費豈可不用至如內苑禽獸無

筭宜盡放舊八年老或縱令寧家嫁遣事干宮禁則斷在宮


不疑責在有司則宜嚴加催督其未盡事宜令查奏處置務

臻寔效 上嘉納之

戊午署承運庫太監龍綬請備覈 先帝時傳取金銀之數  
從之

前太子少保禮部尚書劉爰卒涪州人景泰甲戌進士授主  
事歷文選郎中累官禮部尚書弘治己酉乞休謙厚人也

己未設思思田州流官降土知府岑猛福建平海衛千戶進  
雲南知府張鳳平樂知府謝湖俱廣西右叅政



庚申錄國初功臣康茂才五世孫永為正千戶吳復五世孫  
江為副千戶俱世襲

莊浪左副總兵都指揮同知魯麟自述世績求鎮將佩印不  
得徑歸莊浪恃其部強以子幼請告兵部尚書劉大夏曰彼  
虐不善用其衆無能為也然未有罪今予之印非法召之而  
不至損威乃為疏獎其先世之忠順而聽其就間報可麟卒  
快死

練武等營太監常敏姚舉王庸調耀武顯武敢勇等營尚衣  
等監太監何祥谷大同楊廣林貴黎安少監王剛張昭管神

機等營左右哨左右掖

癸亥罷塔像齋醮惟春祈秋報如故

辰刻金星晝見

甲子旦壽星見丙位

乙丑兵部遵奉遺詔裁監槍分守守備內臣二十四人有旨  
仍舊


丙寅侍讀徐穆吏科給事中吉時使朝鮮脩撰論文叙戶科  
給事中張弘至安南頒詔

前右副都御史劉潺卒安陽人天順丁丑進士授刑部主事

國權

弘治十八年

辛酉





歷郎中持轍不私叅藩浙江陝西俱廉慎惟撫遼陽于邊事  
多闕

丁卯南京吏部郎中蔡清為江西提學副使

前南京右通政強珍卒字廷貴滄州人成化丙戌進士令涇  
縣拜御史負氣敢言嘗按甘肅江北人凜然畏之後按遼東  
劾汪直挑衅逮戌三年弘治初起山東副使歷撫宣府被論  
改前秩性挺勁風采見稱于時

許雍王祐樞徙叙州既而不欲遷乞脩其邸從之  
辛未戶部奏減各城門倉場監局內官報寢

癸酉日無光至九月乙未皆然


甲戌夜流星自北斗魁北行至近濁

丙子召還朱暉史琳

丁未編脩畢濟川請各山川祈禱遣官止就近望祭免道里  
驛驛從之

戊寅汰傳陞冗官如太僕寺卿李綸降光祿寺少卿太常寺  
少卿趙繼宗降鴻臚寺右少監尚寶司卿周惠疇降司丞餘  
降減有差

建安妖賊劉宗保等被擒



河南鎮守太監劉琅與周府輔國將軍同鈇互訐改薊州以  
薊州太監陳榮改河南

裁徐州兵備副使

庚辰南京吏部左侍郎楊守陞再考乞休進尚書致仕

辛巳御史高良弼劾太監苗達奏功欺妄乞梟首邊庭不問  
前南京刑部右侍郎熊懷卒豐城人天順丁丑進士性嚴重  
薄嗜好所至稱職


辰刻木星見已位九月癸未滅

九月壬午朔裁武秩冗官

癸未慶雲侯周壽舍人求買長蘆兩淮鹽引戶部尚書韓文  
執奏不聽

夜火星犯積尸

甲申前太子少保戶部尚書秦紘卒字世纓單縣人景泰辛  
未進授南御史言事見中謫北客駟丞尋令雄縣忤獵闔下  
獄調府谷歷守葭秦憂去守西安進陝西右叅政平番寇進  
右僉都御史歷撫山西河南宣府累右副都御史進戶部右  
侍郎忤萬安謫廣西叅政自福建左布政進左副都御史總  
漕及總督兩廣忤安遠侯柳景落職薦起南戶部尚書致仕



仍薦起總制西邊有功進太子少保剛直嫉惡通籍五十餘  
年屢挫不屈惠澤及民稱一代完人年八十贈少保謚襄毅  
袁袞曰秦公挺守正不撓能使汪直稱其賢非誠服其  
心爾耶

乙酉趙權嗣忻城伯 趙溥從子

兵部汰乞陞大漢將軍千百戶韓福敬等四十八人福敬等  
故不入衛磯 上怒于是駙馬都尉樊敬請復之俱如舊

丙戌久雨星變分遣官祭告郊廟社稷  
朝邑地連震

丁亥祭酒黃珣為南京吏部右侍郎

夜大星流自天梧西入雲中光燭地

戊子南京太僕寺卿陳璧為右副都御史整飭薊州邊備兼  
巡撫順天尋疾去

庚寅濟寧魚臺有流星隕于西北天鼓鳴


辛卯南京戶部尚書熊翀戶部左侍郎李溫右都金澤御史  
各被劾致仕

韓旌府襄陵王範址孝行王封股愈母父薨刻木供奉忌日  
必哀時新不薦不敢食友諸弟調軍救貧乏塋其不能舉者

國權

弘治十八年

主



妃劉氏亦有賢行朝命撰文立石

浙西紹興寧波皆地震有聲夜月犯壘壁陣第六星

甲午翰林學士張燦為國子祭酒刑部左侍郎屠勛為右都

御史

應天蘇松常鎮淮揚寧國地震如雷申刻河鼓北斗俱見數

日有流星墜松江海中光如火或云天狗星也

乙未夜金星木星合

丁酉賑延安

己亥起周經南京戶部尚書太子太保仍舊

夜嘉興地震次日地見白毛

庚子水星晝見于南京夜流星自天軀東北行至雲中

辛丑平陽地震

甲辰禮部尚書崔志端劾免

乙巳夜月掩土星

丙午旦金星犯右執法

丁未兵部右侍郎閻仲宇大理寺左寺丞鄧璋覈大同用兵


罪狀初苗達朱暉報冊欺誤被論故有是命仍留兵京萬人

叅將神英李俊張澄游擊將軍李杲分戍宣大

國權

弘治十八年

三



曉刻月犯軒轅左星夜木星犯太微垣上相星

傳陞右都督王濬為左都督

戊申通政使田景賢為禮部左侍郎

巡撫山東右副都御史徐源致仕

十月甲寅陝西左右布政使柳應辰為右副都御史整飭薊州邊

備兼巡撫順天

朝鮮遣使進香賀即位

魯世子當從薨

提學官始立三學簿諸生文行並茂為上文不逮行次之核

或無行無學為土下

乙卯久雨戶部令官軍于張家灣漕舟水兌

罷陝西總兵武安侯鄭英都指揮僉事曹雄為署都指揮僉

事鎮陝西專固原防守


丙辰哈密忠順王陝巴卒立其子拜牙郎為忠順王都督奄

克字刺仍署哈密衛印偕都督寫亦虎仙佐之

召還京兵諸將時宣府卜遁

卜入鎮夷千戶所都指揮劉經戰死

午刻日抱左右珥已赤黃良久散



丁巳湖廣左布政使朱欽為右副都御史巡撫山東

己未祧 熙祖皇帝

辛酉濬杭州西湖

甲子木邦軍民宣慰使罕列法遣使來貢

庚午莖 敬皇帝泰陵泰陵臨溪水直流若干里制又卑隘

設遷曰泰陵有水石其地非吉壤楊子器早言之輔臣不

加意遺痛橋山澤斬于子噫德如 孝宗寧無罪地脉哉

丁丑祔 敬皇帝太廟

甘肅天鼓鳴

己卯視朝如常儀退御史文華殿召輔臣三總兵六部院正  
官勞賜之

大學士劉健等請就日講于十一月三日御文華殿煖閣其  
經筵俟明春從之

是月南安建昌廣信大疫

十一月壬午朔檢討劉瑞薦南京祭酒章懋前吏部右侍郎王  
鏊右僉都御史林俊故右副都御史雍泰陝西副使王雲鳳  
河南叅政王瓊廣東叅政王綸安慶知府楊茂元雲南布政  
司照磨余濂廣西僉事胡獻而鏊俊尤為人望 上是之召

